

Na osnovu člana 48. stav 1. tačka 20. Statuta Raiffeisen *INVEST* Društvo za upravljanje fondovima d.o.o. Sarajevo, u skladu sa članom 16. stav 6. i 7. Statuta Fonda i odredbama Prospekta Fonda, Nadzorni odbor Raiffeisen *INVEST* Društvo za upravljanje fondovima d.o.o. Sarajevo (u daljem tekstu: Društvo) na dvadesettrećoj sjednici održanoj dana 05.04.2016. donosi slijedeću:

**ODLUKU
O PRIVREMENOM UKIDANJU ULAZNIH NAKNADA ZA RAIFFEISEN BALANCE
OTVORENI INVESTICIJSKI FOND SA JAVNOM PONUDOM**

Član 1.

Ovom Odlukom ukida se ulazna naknada za Raiffeisen BALANCE OIF sa javnom ponudom (u daljem tekstu: Fond) za period od 06.04.2016. do 31.05.2016.godine.

U periodu iz stava 1. ove Odluke, prilikom kupovine udjela u Fondu, kao ni prilikom ulaganja koje predstavlja investicijski plan (čime se podrazumijevaju periodične uplate) neće se obračunavati ulazna naknada, odnosno, u datom periodu neće se primjenjivati odredbe o visini ulazne naknade određene Statutom Raiffeisen BALANCE otvorenog investicijskog fonda sa javnom ponudom broj 221a/14 od 04.03.2014. godine (u daljem tekstu: Statut Fonda) i Prospektom Raiffeisen BALANCE otvorenog investicijskog fonda sa javnom ponudom broj 220a/14 od 04.03.2014. godine (u daljem tekstu: Prospekt Fonda).

Član 2.

Ova Odluka će se dostaviti Komisiji za vrijednosne papire Federacije BiH, objaviti u dnevnim novinama „Oslobodjenje“ i na web stranici Društva.

Povodom ove Odluke neće se vršiti izmjene Prospekta i Statuta Fonda, s obzirom da je promjena ulazne naknade iz člana 1. Odluke, privremenog karaktera, te da će se, istekom perioda važenja ove Odluke, ponovo primjenjivati odredbe o visini ulazne naknade određene Prospektom i Statutom Fonda.

Član 3.

Izmjene obuhvaćene ovom Odlukom ne podliježu prethodnoj saglasnosti Komisije za vrijednosne papire FBiH.

Član 4.

U slučaju eventualnih daljnjih izmjena naknade ili perioda važenja izmjene naknade iz člana 1. ove Odluke ovlašćuje se Uprava da samostalno o tome odluči, uz informisanje Nadzornog odbora o istom i izvršavanje drugih obaveza koje po tom osnovu za Društvo proizilaze iz zakona, podzakonskih akata Komisije za vrijednosne papire Federacije BiH i Prospekta Fonda.

Član 5.

Ova Odluka stupa na snagu danom donošenja, a primjenjuje se u periodu 06.04.2016. do 31.05.2016.godine.

Mirha Hasanbegović


Predsjednik Nadzornog odbora

Broj: 592-a/16
Datum: 05/04/2016



Raiffeisen *INVEST* Društvo za upravljanje fondovima d.o.o. Sarajevo

- 71 000 Sarajevo • Zmaja od Bosne bb • Tel.: +387 33 72 86 00 • Fax: +387 33 65 76 54
- www.raiffeiseninvest.ba